


新淦縣志



新淦縣志

同治九年歲次庚午重脩



重修新淦縣志序



上淦為古揚州地虞夏商周以來屬吳屬越
屬楚代稱名區蓋其間有垂以之明秀玉笋
阜頌之慈情磅礴鬱積蔚為人文之藪如
練松月奎文靖胡荻思黃仁山曾孔諸公皆
炳耀寰區足以流傳不朽其他之傑出者如
雞反僕數頌之記載缺如何以屬風化維人
心乎粵稽淦志初纂於宋之嘉泰歷元明

新淦縣志

卷首

序

迄我

朝

康熙乙未凡六修道光乙酉平陵宋公康尹
是邑毅然舉百餘年廢典而一新之蓋採訪
綦備矣今幾五十年闕焉未舉歷之又久恐
沿訛滋甚刻志之修烏可以緩抑余更有輟
轉於中不能自已歆與都人士交勉於無窮
者以淦固家君疇昔並仕之邦而余所誕
生處也憶道光丙申歲家君攝篆茲土

而余適生於畧中及稍長 家君亦解組歸田
時於趨庭之暇闕述涇中往事慨思再履其
境一觀風土人物以為快迨持檄來江自涇
安調補斯任今且六載於茲矣甫下車禮延
紳耆皆依以如舊相淡詢及邑乘令曰自髮
送竄援城市為墟僅餘鈔簡鈔編矣余悵
然久之適奉 憲檄重修省志頒發條例
俾各州縣如式彙進爰稽於衆為重修計

新涇縣志

卷首

序

二

間有以為難者余曰天下事患不得人耳如
得其人雖經綸庶務可也區區修志何有哉
邑進士 陳君 家君同譜友也年高而治勤
徑術湛深且資考據至採訪校勘等務分理
亦均得其人數者備而修志之道思已足矣
議成設局諸同志精心研究斟酌於善未幾
工竣余曰此陳君纂述之勞而諸君贊襄之
力也余則何敢忘耶且余視涇猶家也涇之

人猶父兄子弟也生於斯宰於斯諸君子補翼
維持匡我不逮其裨益良多繼自今觀風俗
者徵其實定辨名物者稽其詳司民社者有
所型式鄉閭者有所勸後先流美晉於是
賴焉今而知悠々數十年終得與二三同志
共事一室溢容坐論獲睹昭備之休者不
可謂非天假之緣也倘邑此以往或仕他邦
或歸故里乎此一編足聆警效余所為中
心振聒不能自已欲與都人士交勉於無窮
者以此斯而已是為序

新淦縣志

卷首

序

三

同治十二年歲次癸酉季春上浣知州銜知

新淦縣事東魯王肇錫撰



道光癸未舊志序

知新宋 庚平陵
淦縣

上淦之名昉於秦漢唐以來或隸豫章或隸九江吉州
或割淦之都圖上爲峽江下附清江沿革散見於載籍
然蒐討故實彙成志書則前此無傳焉淦之有志也自
宋嘉泰始迄

國朝康熙癸丑凡五修皆以兵燹散佚存者王公毓德六
修於康熙乙未今又百有餘年矣傳聞異辭故老衰謝
遲之又久廢墜滋甚守土者之憂也今

上御極之三年滇南程月川先生來撫江右倡修省志檄取郡

新淦縣志

卷首

舊序

縣志頒條例三十有二命所屬如式纂輯備採擇焉淦
文獻之邦也奈何以闕畧不備之書進也用是告都人
士其議七修且夫修志不難難於得人必博雅之人乃
可以稽古必桑梓之人乃可以知今必廉靜正直之人
乃可以昭矜式而息浮議邑貢生秩南陳君行端而學
贍尤精考訂凡鄉先達之行誼著述可爲典要者耳聞
目見所及可備掌故者疆域之變革風俗之異同山川
名勝之蹟之漸卽湮沒者皆筆之於簡端久而成帙資
以修志如駕輕車就熟路耳抑是舉也非一手足之烈

也職採訪者人貴誠慤若某某宜任捐輸者人貴勤敏若某某宜慎出納司會計者人貴精詳若某某宜以至校讎收掌諸人罔弗用當其才各供厥職於修志乎何有雖然用不足奈何則僉曰淦俗好禮而尙義志所述事非其祖若父卽宗族媼媪也否則及生平行事與夫子姓通顯婦女節孝之類也令聞廣譽垂之無窮有不踴躍從事者必非人情其樂輸一也邑多未竟之事

文廟落成於今數載而泮池圯如故是當議修秀峯門爲

大成殿門戶昔人或於形家者言偏而西向若跛倚以臨者

論者謂科名不振實由於此近又風雨摧剝如將壓焉是當議改淦無考棚縣試則諸生肩坐具之縣署試畢又肩而出噫甚矣憊且非所以昭體制也是當議創三者勢不得不捐然數數爲之擾矣請額糧一石輸錢貳百約可得八千餘緡以其三之一修志以其二治吾邑諸要工則事逸功倍邑人皆稱便焉其樂輸也二比者雨暘時若歲屢告豐庶幾菽粟水火之風焉安見禮義之好今不古若也哉議定懸書佈告鄉邑果不數月而輸者雲集設局金川書院以道光三年四月興修四年

九月志垂成矣時余俸滿北上緣事中輟不果成五年
三月京旋乃集諸同人續成之爲卷三十有二爲冊二
十有四較乙未王志增數倍焉則陳君纂輯之勞諸君
勛襄之力不可忘也用序顛末如左陳君名化亡酉拔
貢與余同譜協修諸君姓氏例得備載

新淦縣志

卷首

舊序、

三

康熙乙未舊志序

知新王毓德
二韓
淦縣

周禮小史掌邦國之志外史掌書外令掌四方之志志之爲言凡以述故事昭典守此郡邑志乘所由來歟我

皇上聖德神功統一區宇爰

命儒臣纂修一統志方輿考畧諸書維時大司寇崑山徐公大

學士澤州陳公實任其事要必藉直省志乘爲根柢余方習業之餘側聞先生長者之緒論規撫法程或以土地人民政事三者爲綱或以志地志人志政志事志言五者爲類覈而不華切而有要庶稱信書焉康熙戊子

新淦縣志

卷首

舊序

四

夏筮仕金川始受事卽取邑志繙繹之志固前令天中董君康熙癸丑所重修者條分縷悉至爲詳備今秋公暇念斯志之成迄今垂四十三年其間官師之代更科目之登進與夫城郭公廨祠廟橋梁之繕治顧闕焉弗紀將來聞見浸遠恐無以詔來許因就舊目而增載之使後之人覩其姓字則相與指而評之曰孰爲惠愛元元冰操藻鑑者孰爲立身行義不愧科名者又或覩其興作則相與遙而憶之曰廟貌新可以作民敬矣官舍治可以作民肅矣飭樓櫓而民有衛通橋梁而民利涉

矣他如災青有恤額賦有蠲

皇仁普被尤當特書剗既竣煥然改觀顧斯刻既成余且皇然有動於中焉自令淦入載以來就今時之習尚合諸紀載之傳聞所謂君子尚禮而好義小民勤力而知分古今人異世同揆讓畔讓路訟獄衰息乎自

國初庚戌減賦而後閭閻懷樂利使長吏不仰屋於催科而百里內家絃戶誦敦詩說禮英妙才華之子果能近正人聞正言無煩佻達之刺乎觀子弟者視其父兄觀齊民者視其鄉大夫凡以言教行自上也夫補偏救敝

新淦縣志

卷首

舊序

五

返樸還淳自古循良實有本圖而通德康成風示甚溥余與淦人士其其勉之哉

康熙癸丑舊志序

知新
滄縣董謙吉 洛陽

天下山川形勝風俗土產以至學校書院官署宮室關
梁寺觀更有名宦鄉賢列女仙釋久悉統志矣然時有
變遷地有興衰人物繼出種種不一或統志所未盡故
有郡志有州志邑志猶大宗之有小宗江海之有支流
山岳之有嶺阜不可廢也余丁未冬杪授蒞滄土取統
志詳覽知豫章文獻名邦金川勝地更表表西江忠節
若練公子寧名賢若金文靖張美和胡若思陳簡襄孫
春庵黃仁山朱秉器輩名宦若黃勉齋若何洪若李潛

新滄縣志

卷首

舊序

六

若汪臬代不乏人然英傑輩出豈無繼興未著者乎至
於滑湘潑洞玉筍挺秀百丈凌霄山川之異也且讀書
臺城頭塔湧月雙秀古蹟昭垂但歷有年所寧無圯而
重修廢而鼎建後起增美者乎余甫任時禮集紳士咨
諏遺帙僉曰灰燼無存余攢膺太息謂邑不可無志志
也者所以繼先啟後缺焉不問司牧之咎也卽欲網羅
舊章博求稗乘敦耆碩開哀滄自丁亥奇荒戊子
兵亂凶災叠罹逃亡過半田荒賦逋軍糈協餉積欠數
萬官斯土者如海去此位者如客余新任茲邑應上全

下維日不足何遑徵文獻於旁午迨後備陳荒絕繪圖
泣訴荷蒙府王王藩憲李劉轉詳撫憲董總憲麻題請
蠲荒淦之哀鴻從茲甫集余諭殘喘輸新免舊補苴舊欠毫不
問之民間兩年來民有寧日事可次舉矣前之有志未
逮者宜採訪補輯幸康熙壬子秋奉 上憲檄催纂修通
志爰集學博曾三接率邑明經弟子員肅引鸞楊學騫
程希孟胡麟兆段官孫之鳳孫廷珍等相與參諸史傳
圖志者補之時有可采者續之一字之褒勿輕一善之
長必錄余待罪五載苦無善狀若續宦列惴惴不敢居

新淦縣志

卷首

舊序

七

至於江樓新構非若韓浦之齊雲聊倣黃州之竹樓斯
樓也臨水面山西南諸峯遠眺嶙峋長江澎湃俯睇汪
洋或登高而賦或凭闌而吟似亦金水勝觀也用列宮
室志以誌不朽閱五月志竣余閱之典而文確而當約
而弗遺應余敘言余何能言姑就實事而畧陳之若夫
揚扆先賢鋪張盛美前人已詳之矣余不再贅

康熙癸丑舊志序

寧夏李煥斗邑進士

淦志自明隆慶丁卯邑侯夏君大勲得宋嘉泰草本纂而新之志始備越崇禎甲戌西粵劉侯以仁又續葺之垂成值侯升任未就剗壬午貴池陳侯以運竟緒焉今三十餘年矣兵燹來遺帙無存爲淦缺事淦固西江名區建置自秦系源最古臨陽郡志具詳矣

國朝定鼎文獻日繁興除日異山川名勝遞有圮修職制典章間有沿革與夫忠孝節義之隨時間出科目人文之歲有登興而邑乘弗備藏板榛莽將何以昭前烈示

新淦縣志

卷首

舊序

八

來茲也丁未冬天中董侯來牧淦甫下車急欲舉邑志而繕修之時以土瘠逋多從事徵輸補苴旁午未暇侯乃推心民腹銳意興除居六年次第孰理政通民和會聖天子右文重道興賢育才康熙壬子之秋

詔諭天下郡縣纂修通志侯承部檄躍然心喜乃謀諸學博會君三接集明經蕭君引鸞楊君學騫文學程希孟胡麟兆段官孫之鳳孫廷珍等開局文昌閣廣稽載籍蒐羅故典錯綜劑量考覈真偽務期徵信闕疑寧嚴毋濫至於編目倫次畧仍勝國之舊而詳贍過之蓋廣前此之

未備煌乎成一代鉅章是役也操觚於壬子十二月告竣於癸丑夏五月志成屬予一言弁諸首予讀之亟歎曰斯志也誠足以昭前烈示來茲也豈從備物例事侈覩聞之淵博已哉昔人謂宇宙有三大政曰賞曰罰曰史夫志以紀事又以弼史之弗逮而與史並傳司牧者

秉

天子賞罰治一時郡邑又能存記載以興起奕世之人心是亦曰大政也讀是志而邑之令廉明如張好古端正如唐子靖敦崇禮教如周孟登題蠲綱米如黃勉齋官斯士

新淦縣志

卷目

舊序

九

者有不奮然景行乎至前賢遺徽若練子寧之忠節金文靖之經濟胡若思之德行黃仁山之敢諫曾得之孔文仲之文章芳躅昭然足以風厲人羣者正無窮也世遠而湮事久而遺專有賴於作者之維挽矣侯以實心任淦事飲冰茹蘖初終一節如禁幫費以去陋規釐櫃收以絕重役蠲蠲災荒而民困甦講學宣教而人文盛捐貲建倉而漕兌便豎造江樓而形勢壯凡可以寬民力興民行者靡不躬先帥作肩瘁任勞獨以淦志未就引爲已咎今乃得以政成物理之餘訂徵文考獻之書

而校輯諸君又能以侯之心爲心矢公矢慎以無負
聖天子誕敷文教至意其有造於淦何如哉後之君子當亦覽
斯篇而奮興者矣是爲跋

新淦縣志

卷首

舊序

十

崇正乙亥舊志序

縣知縣胡應詔邑進士

明興肇造區夏爰命儒臣集大一統志以徵往憲來要
皆郡邑所上列紀綜覈而彙成之故國之有史與邑之
有乘其重埒也臨陽志淦緣秦設系源最遐其山川之
與文華之蔚自昔班班卓舉然未有志也志則自宋嘉
泰始厯隆慶丁卯夏印峯嗣而新之垂茲幾七十禩風
土人物官方職守沿革興替蓋久曠而有待西粵劉公
以仁來官茲土期年政通人和百廢振起乃披志歎曰
落落遺編近罔紀錄弗葺弗備弗傳令之疚也須

新淦縣志

卷首

舊序

十一

以問之剗厠氏會流寇告警桑土孔棘越明季人民安
稔文教誕敷迺謀諸學博黃君文豸林君椿馮君錡集
諸生呂應官蕭引鸞黃元美饒應稻開局於學之文昌
樓授楮給炬俾一意編摩倣春秋體式分條例首紀建
以規天次紀疆紀勝以披地紀賦紀役紀職以昭官守
紀士紀獻紀文以討故實紀事則纖悉罔遺外紀則怪
誕是黜爲卷凡十有二爲目凡九十有奇飭舊所未有
而加詳焉乃屬余不佞而弁諸首余考諸周禮曰惟王
建國體國經野設官分職以爲民極董子亦曰造文三

畫而貫其中之謂王然則王者察天規地以治人志載其首事也自秦裂封國爲郡邑而貢詩攷俗之典寢爲故事於是天府所藏或缺焉而不修或畧焉而不詳其他宇縣滄桑之變食貨登耗之源人文衰旺之數俗尙質文之萌古聖人所爲察幾觀變以密用其維挽幹旋之力者不得一關憂時之心故孟子曰王者之迹熄而詩亡詩亡然後春秋作夫春秋一魯史也載以尼山之筆削其文遂至今與日月爲昭司馬子長又祖其意而修史記彼其紀年表列傳諸篇豈徒修誦讀傳當時取

新淦縣志

卷首

舊序

悅云爾哉古之君子先有一段不得已之精神而後抒爲不可磨之著述類如斯爾我劉侯加惠淦土不以簿書先制作不以政事匿文章皇皇然取淦志而一新之事必覈其逼真舉必期於可久品必嚴諸至當類必極其賅存於以追麟經而步腐史寧多讓焉雖然志文也人獻也誠披賢牧以興懷剛柔競絀因時調劑則如黃直卿之蠲綱米李君行之罷鹽法汪景之興文法甄之振武不流風可起平覽名賢之哀出行能品望高自矜持則如喬安之忠節壽貞之清鯁文靖之政事曾孔之

文章不頽波可砥乎則茲志之所裨豈寡也哉今當聖
神御宇稽古定制舉一切頽廢之習毅然與天下更始
如校賦役全書定郵符正額胥設專曹以董其事頤又
妙簡館員於外吏兼收文學治行以儲揆貳茲舉也侯
其將以宰制淦土者宰制蒼宇他日晉陟詞林徵文考
獻以仰副聖明建極綏猷之化淦志其托始哉余里人
也何能知侯經世深心獨能以言券侯之化淦與淦人
士之化於侯者如此請拭目以俟

崇正壬午舊志序

知新陳以運 貴池
淦縣

常聞國有史家有乘邑有志蓋將以舉其地之土風人物及遺行軼事之不稍概見者取而註載之逖覽者祇以是爲供雞林之求與徵文考獻之籍而不知古人著書立言非苟而已卽比物連類據事直書而一筆一削間帝王之法戒與千萬世之規模胥隱括焉是故孔子作春秋分十二世以爲三等於所見微其詞於所聞痛其禍於傳聞殺其恩而其一字之嚴則固凜於袞鉞之不可借而以知罪聽之天下萬世故董江都謂春秋爲

新淦縣志

卷首

舊序

十四

聖人之權書焉此物此志也余待罪金川自抱牒來亟搜邑志不可得爲淦中一大缺事後從呂孝廉得草本讀之亦闕焉弗詳竊念淦山川蒼莽土風淳固章貢之巨浸澎湃西北澹湘之碧澗縈繞南山而玉笥皂嶺之奇層巖東峙不減天半峨嶠此不待識者而知川嶽之靈鬱葱之氣所蘊隆孕結必多是以開國以來名賢輩出濟濟雲蒸卽流宦茲土者亦代有偉蹟而淦之文章節義竟爾冠冕西江卽如練松月先生靖難師起與吾鄉黃瀾伯浙西方正學諸先生同心抗節至今猶凜有

生氣焉若夫陳子喬之抗節喪元黃仁山之犯顏敢諍
張美和之較書中秘胡若思之奏對稱旨金文靖之燮
理陳簡襄之廉毅涂侍御之梗概謝郡伯之循良以及
張福吾干宣治李仲發吳永卿輩或以文章名或以勲
業顯或以節孝著則猶指不勝屈也語有之培塿無松
柏漸車之水不產莞蒲此非川嶽之靈而庸有幾乎深
山大澤實生龍蛇其孕結有固然爾今日者代遞降而
風會下矣而俗猶爲近古女貞男信椎朴相高黜筮簞
而設藁鞞斥醯醢而貴天產賤黼黻文繡之美而疏布

新淦縣志

卷首

舊序

十五

之尚且家務力本逐末業比屋可封是以小民自里井
外有生平不一履城闈而訟庭有半月不一對簿者依
稀有先進遺意焉方今世趨江河滔滔靡砥庶人帝服
倡優后飾使賈長沙而在當不知何如痛哭而淦猶以
椎結之遺孤持於波靡柔曼之會且人文蔚起科第蟬
聯錚錚以節義相砥蓋其素所被服深矣惟是世遠而
湮事久而失實後起之英或致愼於考覈靡據識者傷
之孝廉呂君故深心嗜古者余以簿領之暇時過而相
訂爰進二三諸生開局覃葺踵事增華不累月而志告

成蕤賓之鍊躍然出於菱荷之間其感召始微矣哉自
是志出山川瞭如指掌物產纖悉畢陳而於才賢之際
尤足殷人慨慕俾先正之幽躅煥焉益光長吏之勞猷
釐然可考此其關於世道人心寧寥寥者昔傅亮有言
曰過大梁者伫想於夷門遊九原者流連於隨會今使
夷門隨會頓開生面卽在觀風考俗者亦嘗有動而況
其生同里習同尚者耶夫風氣之入人最深耳目之相
觀最切鄉與鄉伍教不肅而功成卽其覩記慮不越里
閭而近然而前徽具存聞風思起當無弗發皇耳目而

澡溉胸中者將砥世礪俗興賢育才胥此焉在矣然則
卽謂是爲聖人之權書焉可也此物此志也於時叅定
較讐者孝廉呂君應宮偕邑庠蕭引鸞黃夢麟陳調鼎
程希孟諸生共襄厥典因并書之

隆慶丁卯舊志序

監察楊

標臨江

隆慶元年秋淦志成孰成之邑大夫印峯夏侯也侯令
邑始至喟然曰淦名邑也建置沿革田賦民風漫無可
稽鄉先哲若陳練之忠節曾之著述金之相業吳之鯁
介昭灼寰宇文獻不足伊誰責耶乃請鄉大夫立齋會
君雷山劉君纂修之集諸生章益李春芳饒思鄒吳維
於金川書院博稽一統省郡志暨諸狀牒奏移殫精竭
思臚列類分爲卷凡十二爲目六十有一窮源委有敍
辨是非有論揚功德有贊志成謂予職掌四方志屬序

新淦縣志

卷首

舊序

十七

之予閱之作而歎曰斯志也所裨豈小補哉人才之彪
炳山川之流光也山川之靈秀有司之潤沃也淦輿地
營建食貨風俗職官選舉藝文雜志井井秩秩星列霞
標官斯土者休養振育若君行勉齋諸公非先驅乎鍾
茲山川之秀者培植綱常砥礪名節若列傳紀載往哲
懿行非正鵠乎今聖天子兢業圖治文命誕敷宇宙一
維新會也中外臣工罔不靖共祇承休德讀斯志者寧
無惕然思躍然奮耶所裨豈小補哉侯諱大勳字謙甫

廣東潮陽人

隆慶丁卯舊志序

兵部張
尙書

鏊
南昌

國家大一統之義而爲志志以翼史也郡邑皆得志焉
然其義主於載事載事以藏往藏往以知來昭典常而
垂勸戒是故君子慎之淦居吾洪上游有金沙玉筍之
勝俗淳而富稱奧區自嘉靖辛酉嶺寇薄於城闔時前
令樂君捍孤城又力完之居二年邑大治然邑志未備
也乃倡於蔡君嗣以夏君一日得手抄自宋嘉泰者而
讀之始知無續筆四百年矣曰令責也居又二年政成
會歲穰民和乃稽載籍乃蒐輯山谷耆舊故家之藏乃

新淦縣志

卷首

舊序

十八

賓縉紳先生及博士弟子員虛心訂焉越明年丁卯志
成凡卷若干夏君遣諸生來屬余敘之余觀之大而備
矣質而贍約而弗遺蓋遡之禹貢職方氏得以攷聖人
之初制是故首志輿地其大者志分野以明天道次志
沿革次形勝次山川次水利次勝蹟以彰地道設之官
以承布上下乃志職官辨方正位以示民極乃志營建
由是而戶口滋息田野闢物力豐故次之以食貨由是
而教化興禮俗作故次之以學校由是而人材出土殊
科人異用也故次之選舉戎器除之戒不虞也乃次武

備惠利溥之周無告也乃次卹典志風俗謹趨尚也志
列傳又志藝文徵文獻也其有功德而祠廟及異教之
非經而久者并存之乃以雜志終焉古今損益劑量錯
綜或顯辭以達節或徵文以訓忠志之義晰然陳矣故
曰昭典常垂勸戒也雖然志也者志賢也淦之令賢而
在上與鄉大夫之後先崛起彬彬然盛矣世遠而寢湮
若李子樂黃勉齋公金文靖公子寧練公得之曾公守
謨周公其人其行業今皆光揭寰壤其道可以繫百世
興起人心是故志以賢賢也獨非作者之嘉惠歟樂君

新淦縣志

卷首

舊序

十九

舜賓定海人蔡君常毓東莞人夏君大勳饒平人樂夏
並予門士也得書之

新淦縣志歷修姓名

宋嘉泰間

始有縣志

旋燬於兵

火至淳祐

丁未高公

斯從來為

令採訪重

修

明隆慶丁

知縣

夏大勳潮陽

接修於前

令

蔡常毓東莞

高志以後
越四百年

夏公繼之

明崇正亥

知縣

劉以仁廣西

教諭

黃文豸

林椿

馮錡

黃元美邑人

明崇正壬午

知縣

陳以運貴池

呂應宮邑人

蕭引鸞

黃夢麟

陳調鼎

程希孟

新淦縣志

卷首

姓氏

高斯從四川

曾宏正邑人

曾三聘之子

曾樂邑人

劉正亨

章益

饒應稻

蕭引鸞

呂應宮

國朝康熙癸丑

知縣

董謙吉洛陽

訓導

曾三接樂安

李煥斗邑人

康熙未

知縣

王毓德奉天

教諭

江砥廣信

訓導

道光癸未

知縣

宋疾溧陽

教諭

甘紹曾奉新

張存德餘干

熊 僎

張壽南

許學初

黃天佑

周際飛

廖國璜

彭 伋

彭起鵬

王 言

林作楫
安南人

周 卿
人邑

楊 侃

譚象麟

劉 銑

黃尙謙

劉學瀾

皮尙賓

劉廷遴

訓導

賴欽之
廣昌人

陳 化
人邑

劉芳槐

姚翀漢

謝飛熊

聶 梅

宋可大

裴啟泰

新淦縣志

卷首

姓氏

一一

張思栻

徐 熙

鄧思義

楊 銳

聶 鏞

李鵬搏

章 昭

吳廷諤

鄧體學

熊日霖

劉榮哀

劉養元

劉 翀

鄧林紅

龔得顯

廖家模

劉凝春

張壽台

劉孝源

楊朝雋

鄭元杰

蕭引鸞

楊學騫

程希孟

胡麟兆

段官

孫之鳳

孫廷珍

陳寶書

陳佩璵

楊昶

陳元

姚映台

唐曉

陳祚墀

龔學海

裴德車

新淦縣志

卷首

姓氏

易之晉

洪遠照

徐士奇

謝汝霖

李振藻

周鳳翹

楊日曙

廖中黃

劉鏡

新淦縣志

卷首

姓氏

四

張 銘

孫典貽

楊文炳

唐家績

姚振鴻

李芹芬

何希瑞

劉維保

姚質中

曾成彪

鄒敬元

沈可法

陳言仁

鄧思敏

徐曰慶

鄧家克

聶濟川

朱人傑

新淦縣志

卷首

姓氏

五

張拔元

彭文運

鄧鴻聲

楊質彥

周秉坤

黃成觀

楊國榮

周廷諤

朱徵瑞

袁如煥

陳儀鳳

鄭蘭

王時雨

董劬忠

陳煥章

干學桂

鄧嘉相

鄧思懿

新淦縣志

卷首

姓氏

張增紀
傅志南
周世錫

新淦縣志纂修銜名

總裁

頭品頂戴兵部侍郎

兼都察院右副都御史巡撫江西
南昌等處地方提督軍務糧餉

劉坤一

湖南新寧人
廩生

日講起居注官翰林院侍講學士南書房行走提督江西學政李文田

廣東人
亡未探花

翰林院修撰南書房行走提督江西全省學政徐

郝

江蘇嘉定人
壬戌狀元

鑒定

江西等處承宣布政使司布政使振勇巴圖魯劉秉璋

安徽人
庚申翰林

布政使銜江西等處提刑按察使司按察使總理驛傳事務李文敏

陝西人
壬子進士

江西通省督糧道兼巡南撫建地方兼管水利驛務王必達

廣西人
癸卯舉人

新淦縣志

卷首

銜名

江西通省鹽法道兼巡瑞袁臨地方兼管驛務水利吳兆麟

浙江錢塘人
舉人

督修

道銜臨江府知府德馨

滿州廂紅旗人
生員

署臨江府事候補知府鮑孝光

安徽和州人
監生

總修

知州銜卓異候陞調補新淦縣知縣

王肇賜

山東費縣人
附貢生

同知銜陞用直隸州署新淦縣知縣

徐道昌

湖北江夏人
監生

協修并督辦各都捐收

候選知縣新淦縣教諭

郭子仁

泰和人
恩貢

光祿寺署正銜新淦縣訓導 程步瀛 瑞州人 廩貢生

分理

六品銜候補知縣新淦縣縣丞 胡承弼 安徽人 監生

監刊

新淦縣 典史 馬炳榮 浙江人 監生

總纂

知府銜前湖南桂陽直隸州知州 陳錫麟 邑人 進士

協纂

候選 教諭 陳晉嵩 副貢

新淦縣志

卷首

銜名

揀選 知縣 楊韻屏 舉人

署 泰和縣 訓導 鄧九搏 歲貢

廩監 生 鄧純親

候選 教諭 胡時杰 副貢

分纂

貴溪縣 教諭 周林雲 舉人

廂藍旂漢教習候選教諭 陳鶴翔 拔貢

候選 訓導 劉鴻昌 歲貢

候選 訓導 廖昌齡 恩貢

候選訓導 董文瑛 歲貢

署新建縣訓導 鄧鍾日 歲貢

署南康縣教諭 楊懋昭 廩貢生

校對

廩生 鄧福初

廩生 楊鍾秀

廩生 干慶雲

廩生 聶佐唐

廩生 聶佐虞

新淦縣志

卷首

銜名

三

廩生 習秉貞

附貢生 王金銘

增生 劉師謙

增生 陳階琪

生員 陳階俊

生員 陳階芾

生員 陳炳文

生員 習秉彝

生員 謝佳居

生 員 聶正言

生 員 聶敬敷

生 員 周煥雲

生 員 董蘭馨

州 同 銜 吳金炬 附貢生

總理

候 選 訓 導 李修辭 生員

候 選 訓 導 干玉璘 增生

經理

新淦縣志

卷首

銜各

四

候 選 訓 導 董文璜 歲貢

州 同 銜 前 署 南 昌 縣 教 諭 周秉俊 廩貢生

州 同 銜 候 選 訓 導 聶寅斗 生員

採訪兼勸捐

廩 生 孫愷朝 乙都

廩 生 李維鎔

中 書 科 中 書 銜 姚振勳 增生

增 生 姚秉元

生 員 劉 漢

生

員 楊汝華

歲

貢 鄒家駿 二都

廩

生 鄒國俊

廩

生 姚淇菁

廩

生 李心花

生

員 聶仁言

生

員 陳鏡

生

員 鄒其濬

候

選 訓

導 劉金白 三都 歲員

新淦縣志

卷首

銜名

五

候

選 訓

導 裴熙象 歲員

監

生 李友槐

廩

生 鄧植斌

廩

生 鄧九鳴

增

貢

生 鄭鳳翔

候

選 都

司 劉汝廉 武生

翰

林 院 待

詔 鄧芳蕙

生

員 陳日堯

增

生 陳楚翹

武

生 黃有耀

武

生 曾思明

歲

貢 鄧九濤 四都

光

祿 寺 署 正

銜 鄧培楠 廩貢生

增

生 鄧 濬

監

生 鄧鍾珏

增

生 徐鍾愛

軍

功 六

品 聶熿青 附貢生

軍

功 五

品 聶廷夢

新淦縣志

卷首

銜各

六

署

贛 州 府

教 授 楊道行 五都

廩

生 唐懋禮

廩

生 李秉鈞

附

貢 生 楊志仁

軍功六品銜候選縣丞 李鏡清 生 員

生

員 李鏡珠

附

貢 生 李秉傑

廩

生 皮輯瑞

附

貢 生 鄒禮賢

生

員 聶增齡

職

員 彭履佐

候

選

訓

導 劉元燮六都貢

候

選

訓

導 周春林恩貢

廩

生 楊雲官

國子監學正銜卽選訓導

鄧錫麒廩貢生

候

選

訓

導 饒舒翹貢生

候

補

縣

丞 廖際泰貢生

廩

生 周際治

新淦縣志

卷首

銜名 七

候

補

縣

丞 周秉奎增貢生

主

事

銜 楊國華增貢生

生

員 黃學芬

生

員 聶明善

生

員 廖國珍

候

補

千

總 鄭璟七都舉

廩

生 黎郁蘭

增

生 劉照藜

增

生 劉夢松

附 貢

生 杜貞幹

生

員 陳作霖

武

生 婁長春

繪圖

舊

志

繪

圖 謝質球

新

志

繪

圖 楊金桂

新淦縣志

卷首

銜各

八

新淦縣志總目

卷之首

舊序

歷修銜名

凡例

繪圖

上諭

卷之一

地理志

新淦縣志

卷首

總目

星野

疆域

沿革

表設縣事宜附

山川

形勝附

水利

津梁

古蹟

風俗

物產

卷之二

建置志

城池

壇廟

公廨

試院附

寺觀

育嬰堂養濟院漏澤園附

卷之三

食貨志

戶口

新淦縣志

卷首

總目

二

田賦

戶田賦額徵蠲緩雜課附

倉儲

漕運

驛鹽

關權

向未詳

卷之四

學校志

學宮

學制

學額學田附

書院 社學附

卷之五

武備志

兵制 保甲附

武事

卷之六

職官志

文職

武職 附文職

新淦縣志

卷首

總目

名宦

卷之七

選舉志

薦辟

進士

鄉舉 五貢 榘選附

仕籍 地封附
雜途附

卷之八

人物志

名臣

○ 宦業

理學

儒林

文苑

忠義

殉難紳民附

孝友

善士

隱逸

新淦縣志

卷首

總目

四

列女

殉難婦女附

方伎

寓賢

卷之九

藝文志

書目

文徵

○ 金石

附見各門

卷之十

雜類志

仙釋

塋墓

祥異

軼事

新淦縣志

卷首

總目

五

新淦縣志卷首

凡例

一新淦建縣肇於秦著於漢志則始於宋嘉泰年間至
清祐丁未高斯從重修越四百年明隆慶丁卯夏大
勲三修崇正乙卯劉以仁四修崇正壬午陳以運五
修

國朝康熙癸丑董謙吉六修康熙乙未王毓德七修距
道光癸未百有餘年知縣宋庚奉撫軍程檄修郡縣
志時聘本邑陳化纂修較前志增十之四五惟總綱

新淦縣志

卷首

凡例

三十有二子目六百三十有七過爲繁瑣今遵通志
總局頒來程式倣史家八書十志之例以提其綱其
目各以類從總期事增於前文省於舊

一卷首恭編

列聖詔諭昭示萬世

一地理必先星野淦舊志以冠諸志之首今仍其舊惟
域民必以封疆爲界淦舊志星野後次以沿革水利
後次以學校書院今遵頒來程式首星野次疆域疆
域既正而後沿革有據山川爲固國之險故以形勝

附水利乃民田所賴津梁亦利濟攸關古蹟尤論世
考鏡之資至於風俗物產皆史家所不遺此志地理
所以必次第及之也

一量地制邑度地居民必建置有定而後制度規模具
焉城池爲四境會歸滄舊志附於形勢今遵頒來程
式列建置志之首然後一邑之鄉里都圖可以統計
其或有改拓增修年月人名皆關典要若社稷爲人
民之主與風雲雷雨並尊舊志壇壝附祠廟之後今
以壇廟序列祀典秩然公廡當首載

新滄縣志

卷首

凡例

二

上諭亭次及官署試院殿以寺觀其有歷朝勅建賜額
者碑記皆成典故以及育嬰堂養濟院漏澤園均在
建置之類故合爲一門

一入政先食貨厚生利用而後貢賦有所出理宜序戶
口於前今因丁併於糧故以戶口附田賦至倉儲漕
運驛鹽欸項甚繁因時制宜皆有案牘可稽關津舊
志本合今爲權稅言故專歸食貨惟滄邑向無關權
故仍其名缺其制焉

一學校所以繼養而教也先學宮尊聖以明倫次書院

社學黨庠術序具於此矣

- 一武備淦舊志分兵衛兵事今遵頒來程式兵衛改編兵制言制則營汛將弁餉額軍裝馬匹皆有樞政可紀附以軍衛保甲兵事改編武事則前後用兵始末詳焉宋施宿會稽志有討賊平亂二篇今倣其意
- 一職官淦舊志文秩武秩題姓名紀爵里序年月其駐劄衙門增裁員缺以時遷改均爲註詳其有政績功勳可紀無論文武大小皆覈實立傳歸入名宦
- 一選舉照淦舊志序薦辟進士鄉舉武科五頁後列仕

新淦縣志

卷首

卅例

四

籍凡不由科目而仕顯達有宦業者皆與焉故以雜途附

- 一人物淦舊志統歸一門以歷朝著述書籍附後今遵頒來程式書籍編入藝文所有人物分爲九目後序列女方技寓賢庶采錄稽考不致混淆

- 一志之有藝文始於班固專紀載籍目錄蓋原本劉向七錄爲後來書目之祖今錄藝文首編書目合經史子集爲一條備載書名卷帙及著述姓氏又倣范成大吳郡志以詩文分註各條之下

如詩文爲山水作者即散附山水中

如舊志已載詩文無所附麗而不可刪者並錄於後
總謂之文徵補遺蓋藝文本足取徵也惟金石散見
於古蹟寺觀中可錄者無多故未另編

一雜類志以仙釋瑩墓祥異軼事匯成全書於是十志
五十二目備焉至於稟經翼史酌古準今前人述之
詳矣茲不復贅

新淦縣志卷首

詔諭

順治九年

欽頒學校臥碑

朝廷建立學校選取生員免其丁糧厚以廩膳設學院學道
學官以教之各衙門官以禮相待全要養成賢才以供朝廷
之用諸生皆當上報國恩下立人品所有教條開列於後
一生員之家父母賢智者子當受教父母愚魯或有非爲者
子既讀書明理當再三懇告使父母不陷於危亡

新淦縣志

卷首

詔諭

一

一生員立志當學爲忠臣清官書史所載忠清事蹟務須互
相講究利國愛民之事更宜留心

一生員居心忠厚正直讀書方有實用出仕必作良吏若心
術邪刻讀書必無成就爲官必取禍患行害人之事者往往
自殺其身常宜思省

一生員不可干求官長交結勢要希圖進身若果心善德全
上天知之必加以福

一生員當愛身忍性凡有司官衙門不可輕入卽有切已之
事止許家人代告不許干與他人詞訟他人亦不許牽連生

員作證

一爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不得糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙九年

御製十六條

新淦縣志

卷首

詔諭

一一

朕惟至治之世不專以法令爲務而以教化爲先其時人心醕良風俗樸厚刑措不用比屋可封長治久安茂登上理蓋法令禁於一時而教化維於可久若徒恃法令而教化不宣是舍本而務末也近見風俗日敝人心不古囂凌成習僭濫多端狙詐之術日工訟獄之興靡已或豪富陵轍孤寒或劣紳武斷鄉曲或惡衿出入衙署或蠹棍詐害良善萑苻之劫掠時聞讎忿之殺傷疊見陷羅法網刑所必加誅之則無知可憫宥之則憲典難寬念茲刑辟之日繁良由化導之未善朕今欲法古帝王尙德緩刑化民成俗舉凡敦孝悌以重人

倫篤宗族以昭雍睦和鄉黨以息爭訟重農桑以足衣食尙
節儉以惜財用隆學校以端士習黜異端以崇正學講法律
以儆愚頑明禮讓以厚風俗務本業以定民志訓子弟以禁
非爲息誣告以全良善戒窩逃以免株連完錢糧以省催科
聯保甲以弭盜賊解讎忿以重身命等項作何訓迪勸導及
作何責成內外文武該管各官督率舉行爾部詳察典制定
議具奏特諭

康熙四十一年

御製訓飭士子文

新淦縣志

卷首

詔諭

一一

國家建立學校原以興行教化作育人材典至渥也朕臨御
以來隆師重儒加意庠序近復慎簡學使釐剔弊端務期風
教修明賢才蔚起庶幾棧樸作人之意乃比年士習未端儒
教罕著雖因內外臣工奉行未能盡善亦由爾諸生積錮已
久粹難改易之故也茲特親製訓言再加警飭爾諸生其敬
聽之從來學者先立品行次及文學學術事功原委有敘爾
諸生幼聞庭訓長列宮墻朝夕誦讀寧無講究必也躬修實
踐砥礪廉隅敦孝順以事親秉忠貞以立志窮經考業勿雜
荒誕之談取友親師悉化驕淫之氣文章歸於醇雅毋事浮

華軌度式於規繩最防蕩佚子衿佻達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門或唆撥姦猾欺孤凌寡或招呼朋類結社要盟乃如之人名教不容鄉黨勿齒縱倖脫褫扑濫竊章縫返之於衷甯無愧乎况鄉會科名乃掄才大典關係尤鉅士子果有實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所

新淦縣志

卷首

詔諭

四

不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志宜俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦

難道勿謂朕言之不預也爾多士尙敬聽之哉

雍正三年

欽頒御製朋黨論

朕惟天尊地卑而君臣之分定爲人臣者義當惟知有君惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至公而已矣凡用舍進退孰不以其爲賢而進之以其爲不賢而退之惟或恐其所見之未盡當也故

新淦縣志

卷首

詔諭

五

虛其心以博稽衆論然必衆論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣僚未能盡矢公忠往往要結朋黨

聖祖戒飭再三未能盡改朕卽位以來屢加申飭而此風尙存彼不顧好惡之公而徇其私暱牢不可破上用一人則相與議之曰是某所汲引者也於是乎遠之若浼曰吾避嫌也不附勢也爭懷妬心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疏遠者亦慰藉稱屈卽素有嫌隙者至此反致其殷勤欲借以釋憾而修好求一人責其改過自新者無有也於是乎其

新淦縣志

卷首

詔諭

上八

人亦不復自知其過惡而愈以滋其怨上之心是朝廷之賞罰黜陟不足爲重輕而轉以黨人之咨嗟嘆息爲榮以黨人之指摘詆訾爲辱亂天下之公是公非作好惡以陰撓人主予奪之柄朋黨之爲害一至是哉且使人主之好惡而果有未公則何不面折廷諍而爲是陽奉陰違以遂其植黨營私之計也書曰予違汝弼汝無面從退有後言當時君臣告語望其匡弼而以面從後言爲戒夫是故一堂之上都俞吁咈用能賡歌颺拜以成太和之運朕無日不延見羣臣造膝陳詞何事不可盡達顧乃默無獻替而狡獪叵測蓄私見以肆

爲後言事君之義當如是乎古純臣之事君也必期致吾君於堯舜而人君亦當以堯舜自待其身豈惟當以堯舜待其身亦當以臯夔稷契待其臣孟子曰責難於君謂之恭陳善閉邪謂之敬吾君不能謂之賊夫以吾君不能而謂之賊則爲君者以吾臣不能亦當謂之忍語云取法乎上僅得乎中苟不以唐虞君臣相期待而區區效法僅在漢唐以下是烏能廓然盡去其私心而悉合乎太公至正之則哉宋歐陽修朋黨論創爲異說曰君子以同道爲朋夫罔上行私安得爲道修之所謂道亦小人之道耳自有此論而小人之爲朋者

皆得假同道之名以濟其同利之實朕以爲君子無朋惟小人則有之且如修之論將使終其黨者則爲君子解散而不終於黨者反爲小人乎設修在今日而爲此論朕必飭之以正其惑大抵文人掉弄筆舌但求騁其才辯每至害理傷道而不恤惟六經語孟及宋五子傳註可奉爲典要論語謂君子不黨在易渙之六四曰渙其羣元吉朱子謂上承九五下無應與爲能散其朋黨之象大善而吉然則君子之必無朋黨而朋黨之必貴解散以求元吉聖人之垂訓亦旣明且切矣夫朋友亦五倫之一朋黨不可有而朋友之道不可無然

惟草茅伏處之時恒資其講習以相飲助今既登朝涖官則君臣爲公義而朋友爲私情人臣當以公滅私豈得稍顧私情而違公義且卽以君親之並重而出身事主則以其身致之於君而尙不能爲父母有况朋友乎况可藉口於朋以怙其黨乎朕自四十五年來一切情僞無不洞矚今臨御之後思移風易俗躋斯世於熙皞之盛故兼聽並觀周諏博採以詳悉世務且熟察風俗之變易與否而無知小人輒議朕爲煩苛瑣細有云人君不當親庶務者信若斯言則臯陶之陳謨何以云一日二日萬幾孔子之贊舜何以云好問好察此

新淦縣志

卷首

詔諭

八

皆朋黨之錮習未去畏人君之英察而欲蒙蔽耳目以自便其好惡之私焉耳朕在藩邸時坦易光明不樹私恩小惠與滿漢臣工素無交與有欲往來門下者嚴加拒絕

聖祖見朕居心行事公正無私故令纘承大統今之好爲朋黨者不過冀其攀援扶植緩急可恃而不知其無益也徒自逆天悖義以陷於誅絕之罪亦甚可憫矣朕願滿漢文武大小諸臣合爲一心共竭忠悃與君同其好惡之公恪遵大易論語之明訓而盡去其朋比黨援之積習庶肅然有以凜尊卑之分歡然有以洽上下之情虞廷賡歌颺拜明良喜起之休

風豈不再見於今日哉

欽頒太學訓飭士子文

乾隆十年

頒發各學

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士子所爲汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟

新淦縣志

卷首

詔諭

九

子弟子之所以學舍科舉之業則無爲也使古人之學止於如此則凡可以得志於科舉斯已爾所以孜孜焉愛日不倦以至於死而後已者果何爲而然哉今之士惟不知此以爲苟足以應有司之求矣則無事於汲汲爲也是以至於惰遊而不知返終身不能有志於學君子以爲非士之罪也使教素明於上而學素講於下則士子固將有以用其力而豈有不勉之患哉諸君子苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身

心而日用事物之間存養省察闡然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒

新淦縣志

卷首

詔諭

十

也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學


新淦縣志

新淦縣志

卷首

圖





新淦縣志

卷首

圖




新淦縣志

卷首

圖

四



長江形勝圖




新淦縣志

卷首

圖

五

學宮圖






新淦縣志

卷首

圖

六



書院考棚圖



新淦縣志

卷首

圖

七



待月樓



新淦縣志

卷首

圖

八

惜花寺
陰書院圖






新淦縣志

卷首

圖

十



新淦縣志


卷首

圖

十一

三都圖 一都界





新淦縣志

卷首

圖

十一

四都圖





五都圖

新淦縣志

卷首

圖



新淦縣志

卷首

圖

六都圖





七都圖

新淦縣志

卷首

圖



